

7.	Ime i prezime vijećnika:	SRĐAN SIMONVIĆ
	Tekst pitanja/inicijative	Podnosim inicijativu da se nadležne službe obrate PU Stari Grad prije predstojeće turističke sezone kako bi pojačali nadzor na Bašćaršiji i pokušali da suzbiju džeparenje koje je intenzivno u mjesecima juni, juli i august.
	Obrazloženje pitanja/inicijative:	Obratilo mi se oko dvadesetak zakupaca sa Bašćaršije sa ovim problemom koji je iz godine u godinu sve veći. Turisti su najčešća meta, a obzirom da oni najviše vremena i borave u našoj Općini, nije uredu da odlaze sa ružnom slikom iz Sarajeva. Zbog toga podnosim ovu inicijativu da sačuvamo ugled naše Općine kao i samog grada.
	Odgovor:	Ovim putem Vas informišemo da je predmetna inicijativa proslijeđena Policijskoj upravi Stari Grad na nadležno postupanje, akt Sekretara organa državne službe, broj: 01/1-04-13-150/23 od 05.04.2023. godine i akt Službe za investicije i komunalne poslove broj: 13/1-19-12-537/23 od 06.04.2023. godine.
	Odgovor dala:	Služba za investicije i komunalne poslove

9.	Ime i prezime vijećnika:	ANES KURTANOVIĆ
	Tekst pitanja/inicijative	Inicijativa za postavljanje saobraćajne signalizacije, odnosno ležećeg policajca u ulici Za Beglukom 60, odnosno kod Osnovne škole Edhem Mulabdić u MZ Širokača.
	Obrazloženje pitanja/inicijative:	Molim Vas da izađete na teren, te analizirate da li je na ovoj lokaciji potrebna gore navedena saobraćajna signalizacija, a u cilju zaštite djece i đaka koji pohađaju gore navedenu Osnovnu školu. Ulica je strma, nerijetke su situacije jako brze vožnje nesavjesnih građana i vozača, te Vas s toga molim da mi dostavite Vašu analizu i odluku za navedenu inicijativu.
	Odgovor:	U ovoj godini planirana je sanacija dijela pomenute ulice (dionica puta od granitne kocke od ulice Nadmejdani do ulice Komatin) koja će obuhvatiti i saobraćajna rješenja za smirivanje saobraćaja. Ulica Za Beglukom je u velikom uzdužnom nagibu tako da nije moguće postavljanje tzv. ležećih policajaca.
	Odgovor dala:	Služba za investicije i komunalne poslove

10.	Ime i prezime vijećnika:	ANES KURTANOVIĆ
-----	--------------------------	------------------------



	Tekst pitanja/inicijative	Inicijativa za asfaltiranje ulice Ablakovina od broja 2 pa do kraja navedene ulice. Ulica se nalazi na području MZ Širokača.
	Obrazloženje pitanja/inicijative:	Tokom 2022. godine asfaltirana je kompletna ulica Bostarići, te se stalo na ulazu u ulici Ablakovina. Navedena ulica je također u lošem stanju, te je neophodno staviti novi asfalt. Molim Vas da izađete na navedeni lokalitet, te se uvjerite u gore navedeno.
	Odgovor:	Asfaltiranje ulice Ablakovina je planirano budžetom Općine Stari Grad Sarajevo za 2023. godinu. Proveden je postupak javne nabavke, te je odabran izvođač radova. Početak radova se planira u narednom periodu, a u skladu sa dinamikom radova na ovoj i ostalim ulicama za koje su ugovoreni radovi asfaltiranja.
	Odgovor dala:	Služba za investicije i komunalne poslove

	Ime i prezime vijećnika.	ANES KURTANOVIĆ
11.	Tekst pitanja/inicijative	Pitanje za gore navedenu Službu, šta je urađeno i dokle se došlo sa potpornim zidom u ulici Hadži Mustafe Bostarića, MZ Širokača.
	Obrazloženje pitanja/inicijative:	Potporni zid u ulici Hadži Mustafe Bostarića je planiran Budžetom za 2022. godinu, te isti nije završen, također planiran je i Budžetom za 2023. godinu, te postavljam pitanje da li će napokon u ovoj godini biti završen? Gore navedena ulica je u jako lošem stanju, PROPADA, te je neophodan potporni zid u što hitnijem roku. Molim što bržu reakciju i odgovor na navedeno pitanje.
	Odgovor:	Vezano za Vašu inicijativu ovim putem Vas informišemo da je Služba za investicije i komunalne poslove u protekloj 2022. godini, poduzela aktivnosti na rješavanju navedenog problema. U tom pravcu pribavljen je Glavni projekat izgradnje potpornog zida i poduzete aktivnosti na pribavljanju potrebnog odobrenja za izgradnju. U postupku pribavljanja odobrenja za izgradnju potpornog zida utvrđeno je da se zid nalazi na privatnim parcelama čiji vlasnici nisu dali saglasnost za izgradnju.
	Odgovor dala:	Služba za investicije i komunalne poslove